



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Sarajevo, 03.02.2022. godine
Broj: 01/S/22

ZAPISNIK
SA XXII. VANREDNE SKUPŠTINE
UDRUŽENJA INŽENJERA I TEHNIČARA ŠUMARSTVA FEDERACIJE BiH

Održane u direkciji ŠPD „Srednjobosanske šume“ d.o.o. Donji Vakuf u Donjem Vakufu u četvrtak 03.02.2022. godine, sa početkom u 11:00 sati.

Prisutno je bilo 43 (četrdesettri) delegata, a odsutno 23 (dvadesettri) delegata uz prisustvo 7 (sedam) gostiju.

Predsjednik Skupštine je nakon obavjesti utvrdio da postoji kvorum za njeno održavanje. Zvanično je otvorio XXII. Vanrednu Skupštinu Udruženja, te je po Poslovniku o radu Skupštine Udruženja predložio za Radno predsjedništvo Skupštine sljedeće delegate: Denisa Begić - član, Dženan Šoto - član i Ahmet Lojo - predsjednik Radnog predsjedništva, a za zapisničara Azera Jamakovića, te je iznešenih prijedloga, Skupština jednoglasno usvaja sljedeći

ZAKLJUČAK

- Usvaja se prijedlog predsjednika Skupštine za Radno predsjedništvo i zapisničara XXI. Redovne Skupštine Udruženja: Denisa Begić - član, Dženan Šoto - član i Ahmet Lojo - predsjednik Radnog predsjedništva. Za zapisničara se imenuje Azer Jamaković.

Nakon imenovanja Radnog predsjedništva i zapisničara, predsjednik Skupštine je predložio sljedeći

DNEVNI RED

1. Razmatranje izmjena i dopuna prijedloga Zakona o šumama FBiH i donošenje Odluke o novoj verziji Zakona o šumama FBiH, nakon razmatranja amandmana.
2. Razmatranje i donošenje Odluke o potpisivanju pisma namjere o bratimljenju – saradnji između šumsko privrednih/gospodarskih društava (ŠPD/ŠGD) FBiH i Regionalnih direkcija za šumarstvo (OBM) Generalne direkcije za šumarstvo Republike Turske (OGM).
3. Priprema organizacije XXIII. Izborne Skupštine Udruženja za 21.03.2022. godine.
4. Tekuća pitanja.

Dnevni red je usvojen jednoglasno.

Ad. 1. Predsjednik Skupštine je napravio kraći uvod o proceduri koja je sprovedena na pripremanju prijedloga Zakona o šumama FBiH koju je sprovodilo Federalno ministarstvo poljoprivrede, vodoprovreda i šumarstva, a na kojem je Udruženje intenzivno saradivalo, gdje su uvažene u velikom dijelu naše primjedbe. Učestvovali smo aktivno u razgovorima i otvorena su pitanja, te smo zajedno



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBIH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

predsjednik Udruženja i ja smatrali da konačnu riječ po pitanju amandmana na zakon definiše naša Skupština.

Predsjednik Udruženja je pozdravio prisutne i ukratko informisao prisutne o izdavačkoj djelatnosti Udruženja u protekloj godini, gdje su štampane od strane Udruženja dvije knjige „Tisa u BiH” i „Varijabilnost bijelog jasena u BiH”, te je štampana od drugog izdavača knjiga o certificiranju na kojoj sam lično učestvovao i gdje je namjenjena da je koriste akteri šumarske politike u svim institucijama koje rade na unapređenju šumarstva i gospodarenja sa šumama. Prijedlog zakona je usvojen 2017. godine i dugo je čekao do prošle godine kada je ponovno stavljen u proceduri, te je opet stavljen van snage, zbog velikog broja amandmana. Na Nacrt zakona smo nakon vaših primjedbi sve ugradili i dostavili u Parlament FBiH, gdje smo iznijeli naše stavove. Bilo je više od 50% primjedbi i 2017. godine smo rekli da se treba uraditi nova verzija zakona. Od prošle godine su održana 4 sastanka po pitanju zakona u kojem smo učestvovali sa predstavnicima ministarstva i Parlamenta FBiH. Istakli smo da ovakav zakon negativno utječe na održivost šumsko privrednih društava i u značajnoj mjeri bi ugrozilo poslovanje šumarstava. Prezentirao je šta je i šta nije usaglašeno po pitanju primjedbi sa predstavnicima ministarstva i Parlamenta FBiH kroz pojedine članove zakona.

Seid Čorbić je naglasio da se po njegovom mišljenju pokušava uraditi krađa od preduzeća. O ovome smo pričali na Kupresu i tada sam rekao da je zakon loša osnova za svaku diskusiju. Trebamo ovo odbaciti i praviti novi prijedlog koji će unaprijediti, a ne uništiti preduzeća šumarstva. Imali smo opstrukcije od onih koji su pripremali zakon. Ministarstva nemaju kapaciteta da implementiraju ovu verziju zakona. Na ovo se ne treba uopšte pristajati. Istakao je kroz pojedine dijelove predloženog prijedloga zakona da se neće moći izvršavati i implementirati u praksi i da će dovesti do ugrožavanja rada preduzeća šumarstva ili čak gašenja i propadanja pojedinih preduzeća, jer neće moći opstajati na ovaj način kako je kroz zakon planirano. Napomenuo je i značaj formiranja šumarske komore koja bi licencirala šumarske kadrove.

Alen Hasković je istakao da bilo kakvo povećanje naknada je pogubno za preduzeća. Skoro sva preduzeća rade na granici pozitivnog poslovanja. Čuvari šuma, kako nam pravnici ističu, a kako je predloženo u zakonu, kažu da se na ovakav način krši Zakon o radu i Zakon o državnim službenicima i namještenicima. Također se ne definiše ko će finansirati rad čuvarske službe, što košta negdje oko 1,5 do 2 miliona KM godišnje. Nastale neevidentirane štete da plaćaju korisnici šuma je po meni katastrofalna. Kod izrade ŠGO osim uređivača moraju biti angažovani inženjeri šumarstva po oblastima, tako treba definisati i u kontroli radova.

Nihad Karšić je istakao da je definisano da vlasnici privatnih šuma po pitanju čuvanja, sami čuvaju šume. Smatram da je to nedorečeno. Mislim da se treba preciznije definisati, kako bi bilo praktično, jer ako nema vlasnika, bojim se da će biti nekontrolisane sječe.

Ahmet Sejdić je istakao da bi volio da su prisutni kolege koje su u parlamentu, a koji su inženjeri šumarstva, kako bi nam približnije objasnili situaciju po pitanju zakona. Dalje je istakao procedure koje su se provodile po pitanju usvajanja zakona od 2009. godine. Upravljačka uloga federalne uprave je ključna, a nema je nigdje zato što su kantoni preuzeli upravljanje šumama. Korisnici šuma su u jadnom stanju, prenatrpani neradnicima. Istakao je niske cijene za planiranje, koje su razlog za nekvalitetno



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

planiranje. Moramo razdvojiti vlasničku i korisničku ulogu u preduzeću. Lugari mogu biti u preduzeću i oni su odgovorni. Ovdje moramo postaviti ne samo poziciju preduzeća, ovdje je glavni cilj potrajnost šuma i gospodarenje. Vi treba da budete samo izvođači projekata, a vlasnik odlučuje šta će doznačiti, a ne vi u preduzećima. Državne šume mogu planirati samo institucije koje imaju državni kapital većinski, zato što većinski kapital mogu biti i preduzeća šumarstva, a ne privatna preduzeća. Cijena se treba kalkulisati za šume po hektaru ponderisano po terenu. Nameti za motorna vozila teško će ići u zakonu. Ovo je bolje usvojiti nego ne usvojiti. Vlasnik je ovdje zakinut. Predlažem ovo amandmana što je UŠIT predložio, budimo zadovoljni da imamo pomak, iako ja mislim da nije dobro rješenje, ovo je jako loše rješenje. Mi jesmo najpozvanija interesna grupa, ali druge interesne grupe bolje lobiraju za zakon. Ja sam za za zakonsko rješenje, samo zato što ga trenutno nema. Države ima onoliko koliko je mi izgrađujemo.

Senad Selimbašić je istakao problematiku poslovanja preduzeća JP „Šume TK” sa osvrtom na zaštićena područja, vodozaštitna područja, lovce, ekologe itd. i imamo 100 invalida druge kategorije. Umjesto da država sufinansira nas mi sufinansiramo državu. U normalnim državama ovakva preduzeća treba da sufinansira država. Dalje je dao osvrt na pojedine dijelove predloženog zakona. Sve ove namete što predlažu će platiti narod. Podržavam osnivanje šumarske komore i da se u ovaj zakon ugradi inženjerska komora treba da bude jedan od naših amandmana. Mislim da je još UŠIT jedina svjetla tačka u našim životima. Treba pustiti preduzeća šumarstva da budu samoodrživa. Mi nismo interesantan poslodavac, imamo problema sa angažmanom radne snage i trebaju se povećati plate u šumarstvu.

Ševal Konjalić je istakao nadležnosti obilježavanja granica na terenu i praksi. Što se tiče čuvara šuma tu trebamo kao struka da imamo koncenzus bez obzira gdje radimo. Kod čuvanja šuma ne trebaju da budu nikakve dileme ni opcije. Čuvanje šuma ako se kvalitetno radi nema sumnje da će se efekti ostvariti.

Nevres Alispahić je istakao da je kao predsjednik sekcije šumarstva Inženjerske komore učestvovao u posljednjim aktivnostima vezanim za razgovore po pitanju zakona sa kolegama iz parlamentarna i ministarstva. Ovaj zakon je loš i treba usmjeriti da se ovaj zakon obori i da ga struka pripremi otpočetak. Marjan Mijajlović se osvrnuo da je ŠGD „Hercegbosanske šume” član evropskog udruženja državnih šuma i da je učestvovao u radu vezano za evropske regulative. Mi možemo iskoristiti elemente evropske regulative, pogotovo po pitanju zaštićenih područja. Može nam se sve vratiti kao bumerang, pogotovo kroz FSC. Moj prijedlog je da pogledamo i taj aspekt kod donošenja konačnog prijedloga zakona.

Nijaz Humkić je rekao da smo na dobrom putu da dobijemo zakon i da smo se malo jasnije izjasnili na ovome skupu.

Nakon diskusije, Skupština Udruženja jednoglasno usvaja sljedeći

ZAKLJUČAK

- Podržava se pregovarački postupak u radu komisije za unapređenje teksta Prijedloga Zakona o šumama FBiH, održanim na sastancima na federalnom nivou, sa predstavnicima Parlamenta FBiH i FMPVŠ, a koje su provodili predsjednik Skupštine i predsjednik Udruženja.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBIH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

- Zadužuju se delegati Skupštine da dostave pismeno očitovanje po članovima Prijedloga Zakona o šumama FBiH, koji nisu obrađeni i da po istim dostave obrazloženje u roku od sedam dana.
- Ovlašćuje se Upravi odbor Udruženja da selekcioniše, obradi i pošalje pristigle amandmane na zakon na odgovarajuće adrese i informiše delegate Skupštine Udruženja.

Ad. 2. Razmatranje i donošenje Odluke o potpisivanju pisma namjere o bratimljenju – saradnji između šumsko privrednih/gospodarskih društava (ŠPD/ŠGD) FBiH i Regionalnih direkcija za šumarstvo (OBM), Generalne direkcije za šumarstvo Republike Turske (OGM), odnosno institucija i preduzeća šumarstva FBiH i Republike Turske, prezentirao je predsjednik Skupštine.

Skupština Udruženja jednoglasno usvaja sljedeću

ODLUKU

- Odobrava se potpisivanje Odluke o potpisivanju pisma namjere o bratimljenju UŠIT FBiH i Generalne direkcije za šumarstvo Republike Turske (OGM).
- Odobrava se potpisivanje pisma namjere o bratimljenju – saradnji između šumsko privrednih/gospodarskih društava (ŠPD/ŠGD) FBiH i Regionalnih direkcija za šumarstvo (OBM), Generalne direkcije za šumarstvo Republike Turske (OGM), odnosno institucija i preduzeća šumarstva FBiH i Republike Turske.

Ad. 3. Pripreme oko organizacije XXIII. Izborne Skupštine Udruženja prezentirao je generalni sekretar Udruženja ističući da se ne definiše tačan datum održavanja, već da prijedlog mjesta i datuma održavanja Skupštine definiše Upravni odbor Udruženja.

Predsjednik Udruženja je ukratko informisao delegate o procedurama na Izornoj Skupštini, naglasivši da se predlažu najkvalitetniji kadrovi.

Informacija je primljena k znanju.

Ad. 4. Nije bilo diskusije po ovoj tački dnevnog reda.

Skupština je završena u 13,45 sati.

Zapisnik vodio

Azer Jamačković, dipl.ing.šum.